

# Ol Seves mo Aktiviti Gaedlaen blong Ol Yut.

*Ol prinsipol mo ol gaedlaen ia oli blong helpem ol lida blong ol yut mo ol adalt taem oli kaonsel tugeta blong mekem plan blong ol janis blong givim seves we i gat mining mo ol gudgudfala hapi taem blong ol aktiviti. Ol prinsipol mo ol gaedlaen ia oli save yusum tu olsem wan risos insaed long ol stek, wod, mo yut kaonsel miting.*

## OL PRINSIPOL

Ol kworom mo ol klas lida oli mas mekem plan mo mekem ol aktiviti i hapen wetem sapot blong ol adalt advaes. Ol aktiviti oli mas:

- Mekem jeneresen we i stap kam antap i kam strong moa long fet blong olgeta long Papa long Heven mo Pikinini blong Hem, Jisas Kraes; mo oli helpem ol yut mo famli blong olgeta, blong oli progres folem rod ia blong kavenan taem oli stap fesem ol jalenj blong laef.
- Helpem ol yut blong mekem i hapen wok ia blong fasin blong sevem man mo mekem olgeta i kam olsem wan god (luk long *Jeneral Hanbuk: Stap Givim Seves Insaed long Jos Ia blong Jisas Kraes blong Lata-dei Sent* [2020], [1.2](#), [ChurchofJesusChrist.org](#)).
- Givim sapot long ol yut mo fasin blong filim se hem i ples blong olgeta taem oli mekem yuniti blong kworom mo klas i kam moa strong, taem oli bildimap ol rilesensip blong olgeta wetem ol fren, lida mo ol famli blong olgeta.
- Givim ol janis we i balens long ol yut blong oli givim seves long ol narawan mo blong oli developem fasin blong olgeta long saed blong spirit, sosol laef, bodi, mo waes tingting (luk long [Luk 2:52](#)).
- Givim ol eksperiens we i helpem ol yang man mo ol yang woman blong rere blong mekem ol tabu rol blong olgeta.
- Folem evri Jos sefti polisi mo gaedlaen, mo tu, ol nara polisi mo gaedlaen (luk long [safety.ChurchofJesusChrist.org](#)).

## OL GAEDLAEN

Ol gaedlaen ia, oli save stretem folem ol lokol situesen anda long daereksen blong ol lokol lida:

- Mekem ol seves mo ol aktiviti evri wik taem i posibol. Ol seves mo ol aktiviti oli save tekem ples wanwan taem folem ol nid mo ol situesen blong ol memba blong kworom mo blong klas be, i mas tekem ples wan taem long wan manis.
- Mekem wan kalenda blong tri manis i rere i stap. Hemia bae i mekem se i gat wan balens blong defdefren aktiviti we oli gat stamba tingting mo oli givim jalenj, folem ol prinsipol antap ia, we oli mekem plan from blong oli save help blong mitim ol nid blong ol memba blong kworom mo blong klas.
- Lukaotem ol janis blong ol yut oli givim ol seves we oli gat mining, long wanwan man, woman, ol famli mo long komuniti. Tingting long ol nid mo ol samting we i pulum tingting blong wanwan memba blong kworom mo blong klas, taem yu stap helpem olgeta blong go aot mo givhan bitim we oli save mekem olgetawan.
- From se ol kombaen aktiviti blong ol yang man mo ol yang woman ia oli gud tumas, oganaesem olgeta evri manis sapos i posibol. Ol kombaen aktiviti blong ol yut we yia blong olgeta i bigwan, oli save holem evri taem.
- Givim ol yut ol janis blong atendem ol konfrens mo ol kamp.
  - Ol yut we oli kasem 14 yia mo ova bae oli atendem wan BYS evri tu yia. Ol Yut konfrens mo ol wokbaot long bus bae i save tekem ples long ol yia we wan BYS konfrens i no hapen.
  - Ol Yang Woman kamp mo ol Aronik Prishud kworom kamp oli save hapen evri yia.
  - Ol ovanaet kamp mo aktiviti we oli ademap i save hapen tu. Blong ol yang man, i impoten blong gat tri kasem sikis moa ovanaet kamp o ol aktiviti long wanwan yia, taem i posibol.
- Faenem ol aedia blong kworom mo blong ol klas aktiviti long [ChurchofJesusChrist.org/youth/childrenandyouth/discover](#). Yusum [Blong Ol Yut I Kam Strong \(2011\)](#) olsem wan risos blong mekem plan blong ol aktiviti.

## OL RISOS

- *Jeneral Hanbuk*, ol japta [10](#), [11](#), mo [20](#)
- [YoungWomen.ChurchofJesusChrist.org](#)
- [AaronicPriesthoodQuorums.ChurchofJesusChrist.org](#)